


Cumegn da Surses



**Reglamaint davart l'execuziun
dalla migliuraziun generala
per la vischnanca da Sur**

Cuntign

	Pagina
I. Determinaziuns generalas	
Art. 1 - Egalitad dallas schlattagnas	3
Art. 2 - Scopo	3
Art. 3 - Cumischung da migliuraziun	3
II. Incumbensas e cumpetenzas digls organs communalas	
Art. 4 - Cumpetenzas dalla radunanza communalala	3
Art. 5 - Cumpetenzas dalla suprastanza communalala	3
Art. 6 - Cumpetenzas dalla cumischung da migliuraziun	4
III. Cumischung da stema	
Art. 7 - Cumposiziun dalla cumischung da stema	5
Art. 8 - Cumpetenzas dalla cumischung da stema	5
IV. Exposiziuns publicas, protestas e recurs	
Art. 9 - Aveis d'exposiziuns publicas	5
Art. 10 - Protestas	6
Art. 11 - Recurs	6
V. Salari dalla cumischung da migliuraziun	
Art. 12 - Salari dalla cumischung da migliuraziun	6
VI. Finanziaziun	
Art. 13 - Contribuziun communalala	6
Art. 14 - Contabilitad	6
VII. Determinaziuns finalas	
Art. 15 - Cassaziun digl dretg actual	6

I. Determinaziuns generalas

Egualitad dallas schlattagnas	Art. 1 Denominaziuns da persungas, funcziuns e professiuns ainten chesta lescha sa refereschan a tottas dus schlattagnas, schinavant tgi sa resulta nign oter senn or dalla lescha.
Scopo	Art. 2 Per mantigneir e promover en'agricultura sanga, exequescha igl cumegn da Surses ena migliuraziun generala segl territori digl anteriour cumegn da Sur, sa basond agl art. 17 dalla lescha da migliuraziun digl cantun Grischun digls 5 d'avregl 1981 (LdM/MelG), scu er sa basond alla decisiun d'execuziun dalla radunanza communal digl anteriour cumegn da Sur digls 19 d'avregl 2002. Chesta lescha regla l'incarica dallas cumpetenzas agls organs communalis scu er la contribuziun finanziaria digl cumegn.
Cumischung da migliuraziun	Art. 3 Per discarger la suprastanza communal e per mantigneir la cuntinuitad dall'ovra vign institua ena cumischung da migliuraziun. Ella consista digl president e da quatter anfignen tschintg commembers e sa constituescha sasezza. Ainten la cumischung da migliuraziun pon neir eligeidas er persungas tgi n'abiteschan betg aint igl cumegn.

II. Cumpetenzas digls organs communalis

Radunanza communal	Art. 4 La radunanza communal è las suandontas cumpetenzas: <ol style="list-style-type: none">1. relascher e midar chest reglamaint.2. conceder igl credit total sen basa digl project d'exposiziun e credits eventuals supplementars.3. decider davart d'ena reducziun da taragn supplementara per ovras publicas d'en autoriso da pretender l'expropriaziun e decider davart la somma d'indemnisaziun (art. 26/27 LdM).
Suprastanza communal	Art. 5 La suprastanza communal è las suandontas incumbensas: <ol style="list-style-type: none">1. eliger dus commembers e dus suppleants dalla cumischung da stema.2. eliger igl president ed igls quatter anfignen tschintg commembers dallas cumischung da migliuraziun. La perioda d'uffezi cozza mintgamai quatter onns. Aglmanc en commember stò appartigneir alla suprastanza communal.3. approvar igls prancepis per la repartiziun digls costs.

4. approvar igl rendachint ed igl rapport annual dalla cumischung da migliuraziun.
5. eliger igl specialist executiv, ansemen cun la cumischung da migliuraziun.
6. preparar tottas tractandas dalla radunanza communal.

Art. 6

Cumischung da
migliuraziun

¹ La cumischung da migliuraziun è cumpetenta da decider schi aglmanc treis commembers èn preschaints. Ella

1. magna l'ovra,
2. eligia igl specialist executiv ansemen cun la suprastanza communal,
3. magna igl chint annual,
4. represchainta igl cumegn an tgossas da migliuraziun vers anor, scu er vers instanzas e dertgiras,
5. surdat las lavours e fò igls contracts correspondents,
6. decida davart igl scumond da regroupamaint e davart las lubientschas an chest connex,
7. eruescha igl possess vigl ansemen cun igl specialist executiv ed igl register funsil,
8. decida davart igls paiamaints parzials annuals antras igls proprietaris participos (art. 32 OdM/MeIV)
9. fixescha igl augmuint dalla valeta commerciala per las repartiziuns augmentadas e sminueidas,
10. definescha igl import dalla deducziun generala,
11. fò las repartiziuns novas e dispona d'eventualas midadas,
12. prepara igls prancepis per la repartiziun digls costs,
13. dispona l'antrada an possess,
14. prepara tottas tractandas surordinadas per mangs dalla suprastanza communal,
15. ò da manar protocol da tottas tractativas,
16. propona midadas digl territori cumpiglia agl Uffezi d'agricultura e da geoinformatica,
17. decida agl rom digls credits lubias l'aquisiziun ed igl adiever digls meds finansials e stipulescha igls contracts da credit correspondents,
18. regla igl mantignamaint,
19. compra e venda taragn an interess dalla migliuraziun e fò contracts da fittanza,
20. sottametta la dumonda da subvenziun agl Uffezi d'agricultura e da geoinformatica e decida davart l'acceptanza dallas cundiziuns da subvenziun,
21. relascha en reglamaint per l'arrondaziun a tschains e decida davart la repartiziun digl taragn a tschains,
22. propona igl acquist da proprietad per igl nov taragn tar la regenza (art. 36 LdM) ed annunztga igl nov possess per l'inscripziun aint igl register funsil,

23. decida da tottas fatschentas tgi n'èn betg surdadas ad en oter organ (art. 14 al.2 OdM).

² Igl president ed igl vicepresident ansemen u mintgamai cun en ulteriour commember dalla cumischung, on igl dretg da dar la sottascripziun giuridicamaintg valevla.

III. La cumischung da stema

Art. 7

Cumposiziun dalla cumischung da stema

La cumischung da stema sa cumpona d'en parsoura nomino digl departamaint cantunal d'economia publica e fatg socials, dus commembers e dus suppleants (art. 16 OdM).

Art. 8

Cumpetenzas dalla cumischung da stema

¹ La cumischung da stema

1. peglia ancunter las protestas,
2. examinescha la valetaziun,
3. fixescha igls prancepis per la repartiziun digls costs da construcziun e mantignamaint, schinavant tg'igls pertutgias na vignan betg peregnas,
4. fò la repartiziun digls costs,
5. magna las tractativas da cunvagnientscha e decida davart las protestas, cun excepziun dallas protestas vers igl territori cumpiglia, igl register digls possessours da fons ed igl project d'exposiziun, tgi vignan giuditgias digl departamaint cantunal d'economia publica e fatgs socials (art. 6 e 44 LdM),
6. nominescha en protocolist.

² Da tottas tractativas ò la cumischung da stema da manar protocol.

IV. Exposiziuns publicas, protestas e recurs

Art. 9

Communicaziun dallas exposiziuns publicas

¹ Las exposiziuns publicas disponeidas dalla cumischung da migliuraziun, vignan annunztgeidas tenor art. 38 dalla lescha da migliuraziun antras igl Uffezi cantunal d'agricultura e da geoinformaziun aint igl figl uffizial cantunal e muneidas cun l'indicaziun digls meds legals.

² La cumischung da migliuraziun ò d'infurmar igls proprietaris da fons conform agl urden davart las exposiziuns publicas disponeidas. Per igls proprietaris da fons tgi abiteschan aint igl cumegn da Surses succeda igl aveis an moda usitada agl li, per proprietaris da fons tgi abiteschan ordvart succeda tala an scretg.

Art. 10
Protestas Cunter tottas disposiziuns dalla suprastanza communal e dalla cumischung da migliuraziun – an connex cun la migliuraziun generala da Sur – pon igls pertutgias inoltrar ena protesta an scretg muneida cun ena proposta e mutivaziun alla cumischung da stema durant igl taimp d'exposiziun, resp. 20 deis siva la cunsigna dalla disposiziun.

Art. 11
Recurs Cunter conclus e decisiuns dalla radunanza communal e dalla cumischung da stema, pò neir recurria an terma da 20 deis tar la dertgira administrativa digl cantun Grischun a norma dalla lescha davart la giurisdicziun administrativa.

V. Salari dalla cumischung da migliuraziun

Art. 12
Salari dalla cumischung da migliuraziun
¹ Igl president ed igls commembers vignan salarisos tenor art. 6 dalla lescha da salarisaziun digl cumegn da Surses.
² Per las speisas vala igl reglamaint da speisas digl cumegn da Surses.

VI. Finanziaziun

Art. 13
Contribuziun communal
Igl cumegn presta ena contribuziun da 50% ord interessenza publica ve digls costs restants siva dalla deducziun dallas contribuziuns cantunalas e federalas.

Art. 14
Contabilitad
¹ La contabilitad per la migliuraziun generala vign surdada all'administraziun communal da Surses. Tenor basigns pò la contabilitad er neir surdada ad en post extern.
² Igl rendachint annual vign revidia dalla cumischung da gestiun digl cumegn.

VII. Determinaziuns finalas

Art. 15
Cassaziun digl dretg actual
¹ Chest reglamaint aintra an vigour cun igl datum dall'approvaziun antras la radunanza communal da Surses.
² Igl reglamaint preschaint ramplazza igl reglamaint digl anteriour cumegn da Sur davart la realisaziun dalla migliuraziun generala digls 27 da favrer 2004.

³ Cun l'antrada an vigour da chest reglamaint vignan cassos tot igls decrets e decisiuns digl anteriour cume gn da Sur tgi cunterfon agl reglamaint preschaint.

Approvo dalla radunanza communal da digls 25 da zarcladour 2018.

Per la suprastanza communal da Surses

Igl mastral:



.....
Leo Thomann

Igl scrivant da cume gn:



.....
Beat Jenal